

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
ZAVOD ZDRAVSTVENOG OSIGURANJA
TUZLANSKOG KANTONA
TUZLA**

Broj: 04-1420-1545-57/18
Tuzla, 28.12.2018. godine

Na osnovu člana 70. stav (1) Zakona o javnim nabavkama ("Službeni glasnik BiH", broj: 39/14), odredaba Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Zapisnika o otvaranju, pregledu i ocjeni ponude, broj: 04-1420-1545-44/18 od 28.12.2018. godine, Direktor Zavoda zdravstvenog osiguranja Tuzlanskog kantona donosi

**ODLUKU
o izboru najpovoljnijeg ponuđača**

Član 1.

Za realizaciju Programa zdravstvene zaštite iz obaveznog zdravstvenog osiguranja za područje općine Gračanica za 2019. godinu, biraju se ponude ponuđača:

- JZU Dom zdravlja Gračanica,
- JZU Opća Bolnica "Dr Mustafa Beganović" Gračanica,
- JZNU Dom zdravlja Tuzla i
- JZU UKC Tuzla.

Član 2.

Ukupna sredstva utvrđena u Javnom pozivu u iznosu od 7.787.326 KM, u skladu sa dostavljenim ponudama, Naredbom o izmjenama i dopunama Naredbe o standardima i normativima zdravstvene zaštite iz obaveznog zdravstvenog osiguranja u FBiH („Službene novine FBiH“, broj: 58/18), Instrukcijom o načinu organizovanja i finansiranja zdravstvene zaštite iz obaveznog zdravstvenog osiguranja za područje Tuzlanskog kantona broj: 13/1-37-5611/13 od 18.03.2013. godine i Stavom ministarstva zdravstva Tuzlanskog kantona broj: 13/1-37-22203/18 od 24.09.2018. godine, dodjeljuju se kako sljede:

- JZU Dom zdravlja Gračanica 7.401.564 KM
- JZU Opća Bolnica "Dr Mustafa Beganović" Gračanica, 84.959 KM
- JZNU Dom zdravlja Tuzla 60.147 KM
- JZU UKC Tuzla 240.656 KM

Član 3.

Nakon protoka Zakonom predviđenog roka, kao i dobijanjem saglasnosti Ministarstva zdravstva Tuzlanskog kantona i Odluke Upravnog odbora o davanju saglasnosti na zaključivanje ugovora Ugovorni organ će pozvati izabrane ponuđače radi zaključenja Ugovora.

Član 4.

Ova Odluka će biti objavljena na internet stranici Zavoda zdravstvenog osiguranja Tuzlanskog kantona istovremeno sa upućivanjem ponuđačima koji su učestvovali u postupku, u skladu sa članom 70. stav (6) Zakona o javnim nabavkama BiH.

Član 5.

Ugovorni organ će istovremeno sa slanjem odluke o izboru izabranim ponuđačima, objaviti

dobrovoljno ex ante obavještenje na Portalu javnih nabavki u skladu sa članom 36. Zakona o javnim nabavkama.

Član 6.

Ova Odluka dostavlja se ponuđačima koji su učestvovali u Javnom pozivu za dostavu ponuda za realizaciju Programa zdravstvene zaštite iz obaveznog zdravstvenog osiguranja za područje općine Gračanica za 2019. godinu, u skladu sa članom 71. stav (2) Zakona o javnim nabavkama.

OBRAZLOŽENJE

Na osnovu Odluke o pokretanju postupka dodjele ugovora za pružanje usluga zdravstvene zaštite za osigurana lica Zavoda zdravstvenog osiguranja Tuzlanskog kantona i lica kojima je po drugom osnovu dato pravo na korištenje zdravstvene zaštite za 2019. godinu, broj: 04-1420-1545-4/18 od 14.12.2018. godine, a u skladu sa Pravilnikom o postupku dodjele ugovora o uslugama iz Aneksa II dio B. Zakona o javnim nabavkama i Saglasnosti ministarstva zdravstva Tuzlanskog kantona broj: 13/1-37-029712/18 od 14.12.2018. godine, dana 14.12.2018. godine objavljen je Javni poziv za dostavu ponuda za realizaciju Programa zdravstvene zaštite iz obaveznog zdravstvenog osiguranja za područje općine Gračanica za 2019. godinu.

U skladu sa članom 7. stav (3) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama ("Službeni glasnik BiH", broj: 66/16), Ugovorni organ je ugovornim zdravstvenim ustanovama sa kojima je imao zaključene ugovore o pružanju zdravstvenih usluga u 2018. godini dostavio akt broj: 04-1420-1545-22/18 od 14.12.2018. godine kojim iste obavijestava o objavi Javnih poziva i upućuje da preuzmu Javne pozive za koje su zainteresovani, te da traženu dokumentaciju dostave u propisanim rokovima.

U skladu sa navedenim pozivom, rok za podnošenje ponuda bio je 28.12.2018. godine do 15 sati.

Dana 28.12.2018. godine sačinjen je Zapisnik o otvaranju, pregledu i ocjeni ponuda broj: broj: 04-1420-1545-44/18 od 28.12.2018. godine, koji sadrži sve elemente vezano za pregled i ocjenu dostavljenih ponuda.

Shodno navedenom, odredbama Zakona i općim aktima Zavoda, a imajući u vidu činjenicu da su ponude ponuđača iz člana 1. ove Odluke dostavljene u odgovarajućem roku, te da ispunjavaju formalno pravne uslove, sa istim će se zaključiti ugovor.

Iz navedenih razloga, primjenom člana 64. stav (1) tačka a), člana 70. stav (1), (2), (3) i (6) Zakona o javnim nabavkama BiH ("Službeni glasnik BiH", broj:39/14) i člana 10. stav (1) Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), odlučeno je kao u članu 1. ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku navedenom u članu 101. stav 4., tačka a) Zakona o javnim nabavkama ("Službeni glasnik BiH", broj: 39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

DOSTAVLJENO:

1. Ponuđačima (e-mailom)
2. Sektor za trezorsko poslovanje
3. a/a



DIREKTOR

Mirsad Hodžić, dipl.ecc.